

Manmin nga mga Balita

NUMERO 16 MARSO 4, 2012

“Niadto mi sa Korea sa Panglantaw sa Pagkabalaan sa Ebanghelyo”

Mga trini gikan sa Napulo ka nasod ang nitambong sa MMTC sa ilang “Global Missionary Training Program”



Pagsugod sa maong pagbansay nga programa sa MMTC-Global Missionary Training, si Pastor Deborah Rhee, presidente sa MMTC niingon sa mga trini, “Ang pagkabalaan sa ebanghelyo maoy magdala nato ngadto tupong sa espiritu pinaagi sa paghimo nga kita makabiya sa gamot sa mga sala diha sa atong dughan og usbon kita pinaagi sa mga mensahe. Manghinaut ko nga kamo mahimong espirituhanong mangugubat nga maoy mo pukaw sa kalag, sa inyong pamilya, silingan, og sa inyong nasod pinaagi sa pagkabalaan sa ebanghelyo og magadala unya nila ngadto sa Bag-o nga Herusalem.”

Unya, sa pagtan-aw sa tagsa-tagsa kanila sobra sa 40 ka mga trini gikan sa napulo ko mga nasod apil na ang U.S., Israel, Russia, Taiwan, Vietnam, Kazakhstan, Nepal og Indonesia nagdungan sa pag-singgit “Manmin”.

Ang Manmin Central Church aktibong naapil karon sa ilang pasiuang trabaho para sa pagtuman sa panglantaw sa pag-ebanghelyo sa tibuok kalibutan. Para mahimo ang misyon ang simbahan nagtukod og MMTC para sa pagbansay og pagpadala sa misyonaryo ngadto sa kalibutan. Kining maong

programa namugna og natukod tungod sa sugyot gikan sa mga pastor og mga trabahante sa mga sanggang simbahan para sila mahatagan og kaantigo og ma bansay para sa langyaw nga mga trini nga nagtinguha sa mga espirituwal nga mensahe nga gitudlo ni Dr. Jaerock Lee og makakat-on sa administratibong sistema sa simbahan og sa ministerial nga paagi.

Ang maong programa makahuluganon kay ang simbahan naningkamot sa pagpadayon, nga anaay sobra sa 10,000 ka mga sanga og nakig-uban nga simbahan para matukod ang World-Wide nga parokya. Ang mga trini magpabilin sa lodging pamilya hangtud sa Pebrero 27. Sila magtambong sa sisyon kada adlaw sugod 10:00 sa buntag,

hangtud 6:00 sa hapon. Samtang 3-10 sa hapon matag Sabado. Puno ang ilang schedule, mo tambong pa sila sa mga nagkalain-laing pagsimba og sa matag adlaw nga Daniel Prayer Meeting.

Biente ka mga mamumulong apil si Pastor Soojin Lee, Presidente sa Pastors Association, sila matudloan mahitungod sa Message of

the Cross, 1 Corinthians, Leviticus, Gifts of the Holy Spirit og Mission, Sanctification og Power, Keys to Church Revival, The Seven Churches, Service, Consultation Methods, Missionary Leadership, International Etiquette, Financial Management, og Administrative Systems. Sila mag-ampo usab sa “Fullness of the Holy Spirit Prayer Meeting.”

Dugang pa, ilang isuwat og lakturon ang unod sa sermon mahitungod sa pagkabalaan sa ebanghelyo, mag praktis og tudlo sa mga mensahe, magbasa sa Bibliya, og eksaminon sa mga bersikulo sa Bibliya. Mobisita usab sila sa departamento sa simbahan, apil na sa GCN TV. Mobisita usab sila sa “Tourist Spot” sa Korea aron adunay kasinatian sa kultura. Pebrero 23, naa silay workshop sa nahimutangan sa Muan Sweet Water.

Pastor Henry Paul Noubicier sa Spain (Alfori Manmin Church sa Barcelona) niingon sa wala pa ang programa, “Ang mga trabahante sa akong simbahan og ako nangandam niining maong programa uban ang pag-ampo. Nanglantaw na kaayo mi sa among makat-onan sa maong programa. Gusto kong makat-on sa mga pagpangalagad ni Dr. Lee, ang tinuod nga tawo sa Diyos. Nanghinaot usab ako nga motubo pa ‘spiritually’ pinaagi ining maong higayon.”

Igsoon Nadine Miyamba (International Manmin Church sa New York) niingon, “Akong nahunahuna ang daghang mga butang pinaagi sa pagbasa sa mga libro ni Dr. Lee. Natandog kaayo ako sa iyang krusada sa New York niadtong 2006. Human sa pagtan-aw sa mga sermon ni Dr. Lee sat v nangandoy ako nga maka adto sa Manmin Central Church sa Korea. Interesado kaayo ako sa tanang mga programa.”



Ang MMTC's Global Missionary Training Program, gihimo sa Newcomer's Reception Room og ang tanan nga pagpakigpulong gibadbad sa Englis og Chinese.

Ang MIS nga kurso giabli didto sa Republic of Cyprus

Enero 27, ang kurso sa Manmin International Seminary naabli didto sa Nicosia, ang kapital nga siyudad sa Republic of Cyprus. Pinaagi ni Pastor Vered Chen Rozen (Livingstone Church sa Tel-Aviv, Israel)

Iya kining itudlo sa Englis sulod sa usa ka simana kada bulan gamit ang libro sa MIS, Message of the Cross. Ang pagtudlo dungan nga ibadbad sa Russian og Bulgarian nga sinultian. Ang mga estudyante kinaugalingong magtuon sa libro, og kon dili pinaagi usab sa email o sa videophone sa panahon nga walay sisyon. Si Pastor Rozen niingon, “Ang mga estudyante naghilak nga nagpasalamat og niingon nga ang mga mensahe hinatag sa Diyos. Natandog kaayo sila sa mga espirituhanong pasabot dinha sa krus.”

Han'ay sa "The Message of the Cross" - (14)



Senyor Pastor Dr. Jaerock Lee

Ang Paglansang sa Krus (2)

"Gani gisamaran siya tungod sa atong pagkadaotan: giantos niya ang kastigo nga maoy nakaluwas kanato og pinaagi sa iyang mga labod nangaayo kita. Kitang tanan sama sa kamero nga nasaag og wala mo subay sa hustong dalan. Apan siya gidakdakan sa Ginoo sa tanan tang kasal-anan" (Isaias 53:5-6)

Ang dakong kaalam sa Diyos sa paglansang ni Hesus, maoy makahimo nato sa pagtugkad sa Iyang dakong gugma ngari kanato, og maoy mag giya kanato aron kita magpakabuhing matarong diha ni Kristo. Atong tukion ang rason ngano nga gilansang ang kamot og tiil ni Hesus og ang duha ka kawatan nga gilansang usab diha sa iyang kilid.

1. Ang Rason sa Paglansang ni Hesus sa Iyang Kamot og Tiil

Kasagaran sa silot sa kamatayon dili magdugay og dili masakitan pag-ayo ang hingtungdan sa maong silot. Ang paglansang sa krus mao ang pagpa-antos sa mangut-ngut nga sakit sa taas nga panahon. Kon ang tawo ilansang sa iyang mga kamot og tiil diha sa krus, ang iyang tanan nga gibug-aton maoy mo duot sa iyang lawas og maghatag kini og grabe nga sakit diha sa lugar nga gidutlan sa lansang, magpadayon sa pagdugo, mag-antos hangtod sa iyang katapusang ginhawa.

Para sa unsang rason nga si Hesus gilansang sa iyang kamot og tiil? Para sa paglukat sa katawhan sa tanang sala nga nahimo sa ilang kamot og tiil.

Si Hesus niingon sa Marcos 9:43-45, "kon ang usa nimo ka kamot makaangin sa pagpakasala, putla kana! Mas maayo pa nga mosulod ka sa kinabuhi nga usa ray kamot kaysa duha ang imong kamot apan mahiadto ka sa impirno diin ang kalayo walay pagkapalong. Kon ang usa nimo ka tiil maoy makaangin nimo sa pagpakasala, putla usab kini! Mas maayo pa nga usa ray tiil kaysa duha ang imong tiil apan itambog ka sa impirno" Daghang mga tawo karon mohimo sa butang nga dili unta angayan nga buhaton sa ilang kamot og mo adto sa mga lugar nga dili unta angayan nga adtoan sa ilang tiil.

Ang walay sala nga si Hesus nilukat kanato sa atong mga sala nga nahimo gumikan sa atong tiil og kamot, pinaagi sa pagpalansang sa iyang mga kamot og tiil og nagdugo hangtod sa kamatayon. Mao nga kon si kinsa katong modawat nga si Hesus mao ang iyang Manluluwas makadawat sa kapasayloan, nga dili na gikinahanglan ang pagputol sa kamot og tiil kon siya maghinulsol, mahimo pa gani nga siya mahilayo sa tanang kasal-anan pinaagi sa gahum sa Espiritu Santo. Para kita mapasaylo sa atong mga sala og aron dili ma sugba sa kalayo sa impirno, si Hesus mismo niantos sa

grabang mga pag-antos didto sa krus.

Apan, naay daghan nga niangkon nga sila nitoo ni Hesus apan daghan gihapon kanila ang nagpakabuhing taliwala sa mga kasal-anan. 1 Juan 1:6 nag-ingon, "Kon mo ingon kita nga nahiusa sa Diyos apan nagpuyo pa gihapon sa kangitngit, namakak kita og wala magkinabuhing sumala sa kamatuoran."

Sa Galacia 5:19-21 nagpahinumdom kanato nga si kinsa katong naghimo pa sa mga "tawhanong butang" walay lugar sa "gingharian sa Diyos", ang usa ka tawo nga tinud-anay'ng naghinulsol dili na makahimo pa sa pagpakasala pag-usab.

Kung tinuod kang nitoo nga si Hesus gilansang sa iyang kamot og tiil nag-antos sa krus tungod sa imong mga sala, dili kana magpakasala pa pag-usab. Magpakasala ka paba aron imo na usab ipalansang si Hesus sa krus? Tinuod nga ang tawo nga gamay og pagtoo makasala ra gihapon ligas sa panahon. Kon sila magbasol sa kina iladman sa ilang kasingkasing og manlimbasog nga dili na makasala pa, ang Diyos mohatag sa kapasayloan og grasya og kusog aron mailabay ang tanang mga sala.

2. Ang mga Anak sa Diyos Makalingkawas sa Tunglo sa Balaod Pinaagi sa Pagtoo

Alang kanato si Hesus gitunglo pinaagi sa pagpatulo sa iyang dugo didto sa krus, og kita nga nitoo niini mapasaylo sa tanan natong kasal-anan og nakalingkawas sa tunglo sa balaod. Ang anak sa Diyos nga nitoo og nidawat nga si Hesus iyang Manluluwas makagawas sa mga sakit, kaluya, kalisdanan, og tana'ng kagul-anan.

Mao nga, ang mga anak sa Diyos nga nidawat sa Ginoo og nagpakabuhing sa Pulong sa Diyos, iya kining gibantayan. Kon naay mga pagsulay og kalisdanan, kon sila magpakabuhing sa Pulong sa Diyos, kining mga pagsulay gituyo para sa grasya. Panahon sa maong mga pagsulay ilang hunahunaon ang Pulong sa Diyos sa Santiago 1:12, "Bulahan ang tawo nga mobarog taliwala sa mga pagtintal kaysa iyang pagdaog makadawat siya sa kinabuhi, ang ganti nga gisaad sa Diyos alang niadtong mga nahigugma kaniya." Ang mapasalamatong pagbuntog sa mga pagsulay og pag-antos magdala og grasya diha sa espiritu og sa tawhanon.

Unsa ang angayan nga buhaton kon ang mga pagsulay moabot kanimo

tungod nakalapas ka sa pagpakabuhing sa Pulong sa Diyos? Kini panahon nga maghinulsol ka dayon og mag-usab. Kon imo nang ma bungkag ang paril sa sala og mag-ampo sa pagtoo, ang mga kalisdanan wala nay mahimo apan sa paglayas. Sa ubang sitwasyon, naay mga kalisdanan dili tungod nakasala ka apan aksidente lamang. Bisan ining panahona, ang Diyos motabang kanimo basi sa imong pagtoo kon ikaw nisalig ba kaniya.

Kay si Hesus gitunglo didto sa krus, ang matag usa mapasaylo sa mga sala pinaagi sa pagtoo og makalingkawas sa tunglo sa balaod. Kini ba nagpasabot sa atong pag-angkon "Ginoo, nitoo ako!" makapasalig ba sa walay kondisyon nga kapasayloan?

Ang Bibliya niingon nato sa 1 Juan 1:7 "Apan ko magpuyo kita sa kahayag, ingon nga ang Diyos anaa sa kahayag, magkahiusa kita og ang dugo ni Hesus nga Iyang Anak maghugas sa tanan natong kasal-anan", ang kapasayloan sa sala mahimo lamang kon kita "magpuyo sa kahayag." Walay nahisulat diha sa Bibliya nga "makadawat gihapon kita sa kaluwasan bisan kita nagsigi sa pagpakasala."

Si Hesus niingon sa Mateo 7:21 "Dili tanan nga magtawag kanakog 'Ginoo, Ginoo' makasulod sa gingharian sa langit apan kadto lamang nagtuman sa kabubut-on sa akong Amahan nga atoa sa langit." Ibutang sa hunahuna nga ang kapasayloan og ang kaluwasan matuman lamang kon atong dawaton si Hesus nga mao ang Manluluwas, maghinulsol sa atong mga sala, maningkamot nga dili na makasala pag-usab og magpuyo sa kahayag.

3. Ang Kalainan sa Duha ka Kawatan

Sa dihang si Hesus gilansang, nagpundok ang katawhan gi insulto siya og gibugalbugalan. Sa isig ka daplin naay duha ka kawatan nga gilansang usab. Ato kining mabasa sa Mateo 27:44, "Bisan ang mga kawatan nga gilansang uban kaniya mi biaybiay usab." Sa Lucas 23:39-44, atong makita ang usa ka kawatan nilabay usab og daotan nga mag pulong kang Hesus og ang usa ni

badlong.

Unsa man ang kalainan sa duha? Kini parti usab sa lihok sa Diyos para ang mga magbabasa sa umaabot nga henerasyon makakuha og buhi nga hulagway sa hitabo. Huna-hunaa: tulo ka krus didto sa Golgota, daghang katawhan ang nagpundok og nagkaguliyang para pagsaksi sa paglansang, mga sundalong naay mga bangkaw og taming.

Sa mabangis nga hitabo, kon anaay tawo nagbarog tungod sa usa ka kawatan, madungog niya ang gisulti ini apan dili kini klarong makadungog sa isulti sa usa ka kawatan nga tua sa pikas. Ang nagbasol nga kawatan ni badlong sa usa nga nanginsulto ni Hesus apan mura hinuon og si Hesus ang iyang gibadlong kay sila man ang managduol. Apan, ang mga tawo nga nagbarog tungod sa nagbasol nga kawatan og ni Hesus klaro nga nakadungog sa mga pulong ni Hesus og sa kawatan og nagsuwat sa hustong panag pulong.

Ang makagagahum nga Diyos makahimo sa pagpahibalo sa tagsulat sa Bibliya sa kada detalye nga nahimo. Sa pagtugot sa maong kalainan, gituyo kini sa Diyos para ang tawo nga mobasa sa Bibliya nga anaay inspirasyon sa Espiritu Santo makakuha og klaro nga hunahuna kompara sa magtan-aw og salida sa dako nga sinihan – mahitungod sa paglansang ni Hesus.

Mao nga, kon naay parti sa Bibliya nga dili mo takdo sa paagi sa atong hunahuna, dili ta mo husga sa atong tawhanong prinsipyo og basihan, unahon una nato pagsabot ang espirituhang pasabot pinaagi sa inspirasyon sa Espiritu Santo.

Mga igsoon ko diha ni Kristo, karon nakahibalo nata sa rason sa pagpalansang ni Hesus sa Iyang kamot og tiil, ang atong kamot og tiil dili na unta magamit pa sa pagpakasala apan mahimong bulahan nga mensahero para sa pagsabwag sa gugma sa atong Manluluwas. Maayo unta nga ang tagsa-tagsa kaninyo makasabot sa Pulong sa Diyos pinaagi sa inspirasyon sa Espiritu Santo, og maglipay sa awtoridad og mga panalangin nga imong maangkon isip anak sa Diyos, sa ngalan sa atong Ginoong Hesu Kristo ako naga-ampo!

Davao Manmin Holiness Church

301 Ilang Ilang St. Flores Village, Bangkal, Davao City, Philippines
Pastor Kathryn Kim
0908-635-2714

Cebu Manmin Holiness Church

LOT N. 402 - B-4
Looc Along Side The Canjulao Road, Lapu-Lapu City Cebu, Philippines
Pastor Rossetta Sung
0921-635-7595

“Nipuno sa Akong Dughan ang Kalipay Sugod nga Akong na Eksperyensya ang Gahum og Gugma sa Diyos”

Deaconesa Myungsoon Kim (61 anyos, Chuncheon Manmin Church)

Bag-ohay lang, ang akong kinabuhi napuno sa kalipay tungod sa gugma og grasya nga gihatag sa Diyos. Nadawat nako ang gasa sa nagkalain-laing pinulongan niadtong elementarya pa ako. Nakahuman ko og eskuwela sa mission school, apan dugay na akong wala magsimba.

Ang mga sermon ni Dr. Jaerock Lee naghatag nako og tinuod nga pagtoo, ang libro og Manmin nga mantalaan. Deaconesa Haeja Park akong bayaw sa Seoul maoy permi nga maghatag nako. Usa ka adlaw nagpaayo ko sa akong sakyanan og swerte nga akong na estorya si Pastor Dongheon Kim sa Chuncheon Manmin Church. Human sa among panagtabi, akong na hunahuna ang lawum nga gugma sa Diyos og sa Ginoo.

Ang Kristohanong Kinabuhi mao ang Paghisama sa Ginoo

Tuig 2010, nakahibalo ako kon unsa ang importante sa Kristohanong kinabuhi samtang naminaw sa wali didto sa Chuncheon Manmin Church. Mao ang paghisama sa Ginoo.

Abi nakog wala ako makahatag og kalisdanan sa uban og nagbuhat lang sa maayo. Nagtoo usab ako nga wala makahimo og sala.



Deaconesa Myungsoon Kim (tuon) natumog sa gugma sa Diyos og gihikalimtan ang iyang edad

Apan samtang naminaw sa wali, akong nahunahuna ang nagkalainlaing matang sa bati nga kasingkasing sama sa pagka aroganti, pagka akohan, og bati nga batasan nga anaa kanako. Naghilak ako nga naghinulsol

Akong nabati ang init nga gugma sa Diyos. Abril 2011, dili nako magamit ang akong wala nga kamot sulod sa tulo ka simana tungod sa grabing sakit. Walhon ko sukad pa sa una, apan dili na gani nako karon magamit bisan sa pagluto nga tabangan nalang ko sa akong bana.

Niabot ang panahon nga akong makita si Dr. Jaerock

Lee uban sa mga miyembro sa among simbahan. Nakadawat ko sa iyang mag pag-ampo. Sunod adlaw nakakaon ko og dukot nga kan-on. Nakapanimaho ko og murag peppermint.

Naghunahuna ko, “asa man ning baho gikan?” nianang panahona, nakabantay ko nga naay ni bathay’ng kahayag sa akong wala nga pulso. Og naay nangalisngaw nga gabon gikan sa akong wala nga bukton og kamot. Misteryoso og kahibulongan. Dugang pa, magamit na nako ang akong wala nga kamot, nga dugay nang wala nako magamit.

Sugod ato, labaw’ng napuno

sa grasya sa Diyos ang akong kinabuhi. Hunyo, ang kalyo sa akong tudlo nawala. Hulyo, puno kaayo ko sa gugma sa Diyos nga nagtan-aw sa aurora lights sa akong cellphone kuha niadtong Leadreship Conference. Agosto, akong nasaksihan ang panon sa mga alindahaw gikan sa langit og ni tugdon sa mga miyembro sa Manmin og ngari nako. Milagroso kaayo og eksperyensya nga puno sa kalipay.

Ang Daghang Bunga sa Pag-ebanghelyo

Nagsugod ako sa pagmatuud

sa gamhanang lihok nga akong na eksperyensya, nga nagdasig nako sa pag ebanghelyo sa sobra napulo ka mga tawo. Malipayon sila nga niingon, nabati nila nga ang tanang miyembro sa simbahan sama sa ilang pamilya.

Sama ni, igsoon Soyung Bae siya nakabasa sa testimonyal nga libro Dr. Lee, ang “Tasting Eternal Life Before Death”, nakadawat siya og daghan nga grasya. Unya giampoan siya ni Pastor Dongheon Kim gamit ang panyo nga inampoan ni Dr. Lee (Buhat 9:11-12). Nanginit ang iyang tiyan pagkahuman, nawala ang sakit nga iyang giantos sukad pa pagkahuman sa iyang operasyon sa ovarian lump. Naayo usab siya sa “entiritis” bag-ohay lang.

Kataposan niadtong niaging tuig, naka award ko sa “Excellent Cell Leader Prize.” Og gitudlo ko nga maoy Sub-district leader karong tuiga. Labaw sa tanan, akong gipaningkamotan nga mahisama sa Ginoo og makaangkon sa pinaka nindot nga puloyanan sa langit, sa nahisulat sa Mateo 11:12. Kalipay og pasalamat ang nipuno sa akong dughan. Ako usab nga giampo nga makahatod sa gugma sa Diyos sa mga tawo nga akong masugatan.

Igsoon John Babu (34 anyos, Evangelical Church sa India)

“Ang Akong Asawa og Ako Natingala ubos sa Kalipay, Kay kami Dili unta Manganak apan niabot ang Among Anak nga gwapa, si Erusi”



Upaton na katug nga nagtrabaho ko sa Chennai Manmin Church, gipangalagaran ni Pastor Joseph

Han. Nagtrabaho ko isip usa ka mentenans sa kuryente, tubig og uban pa. Sa akong pagtrabaho, makadungog ko og mga panghimatuud sa mga miyembro sa simbahan nga naka eksperyensya sa katingalahang lihok.

Ang naka atrak pag-ayo sa akong atensyon mao ang panghimatuud nila ni Rosilin og Mula nga nanamkon sa dihang sila naka tambong sa Handkerchief Healing Meeting ni Pastor Mikyung Lee niadtong Nobyembre 2008. Ang ilang esturya naghatag namo og paglaum.

Kini tungod kay kami wala gyud manganak sukad sa among pagka minyo niadtong 2004. Dugang pa, nakadungog ko og mga hitabo sa mga magtotoo nga napanalanginang manamkon, human nga bisan sila nag-antos sa “infertility”, pinaagi sa pag-ampo ni Dr. Jaerock Lee, ang sulogoon sa Diyos.

Kini maoy hinungdan nga ni dako ang akong

pagtoo. Nagtoo kami og niingon “Hatagan kita sa Diyos og anak.” Wala akoy nakit’ang kaayuhan para sa akong kaugalingon og wala ko mangayo og dako nga sweldo sa simbahan. Nagtrabaho ako sa kinasingkasing og debosyon.

Tuig 2010, nakadungog ko og nindot nga balita. Si Mrs. Booknim Lee, presidente sa Manmin Prayer Center, moabot sa Chennai Manmin Church inig ka Disyembre para sa paghimo sa “Handkerchief Healing Meeting.” Nagsimba kami sa lain nga simbahan apan nangandma ko sa maong miting og nanambong mi uban ang among mga silingan.

Sa katapusan, among nadawat ang pag ampo ni Mrs. Lee gamit ang panyo diha sa maong miting. Pebrero 14, 2011, ni mabdos ang akong asawa og nanganak siyag lagsik nga bata sa timbang nga 6.8 pounds niadtong Nobyembre 23. Naana mi gwapa nga anak. Haleluyah!



Ang Diyos ang Pinakamaayong Mananambal

Dan Wooding

(Nagtukod og Internasyonal director sa ASSIST og Assist News Service)

Usa ka adlaw sa tuig 1960, nakadawat ko og suwat sa akong inahan. Mahitungod sa kritikal nga kondisyon sa akong amahan. Niingon siya nga ang akong amahan naay "late stage sa intestinal kanser. Taas na ang tulo ka bulan nga mabuhi siya!"

Atol nga didto ko sa Canada apan nipauli ko ngadto sa akong inahan sa Great Britain. Nag-ampo mi kanunay nga naay maayong pagtoo. Ang Diyos nitubag sa among mga pag-ampo. Ang akong amahan katingalahang naayo og nabuhi sobra pa sa 30 katuig. Kining maong insidente maoy nakapadawat nako ni Hesus isip akong Manluluwas. Apan nahilayo na usab ko sa Ginoo samtang nagtrabaho isip usa ka journalist sa U.K.

Ang akong amigo niingon, "Dan, gitagaan ka sa Ginoo og maayo nga talento sa pagka journalismo, apan nagsuwat ka lang og mga butang nga walay bili. Pasuwaton tika mahitungod sa pagpanglupig og pagkamartir sa mga Kristiyanos sa Uganda."

Akong gitukod ang Christian press commentary 'Assist News Service'.

Tuig 1979, niadto ko sa Uganda aron pag report mahitungod sa pagpanglupig nga giantos sa mga Kristiyanos didto. Sa 1992, nitampo ko og suwat mahitungod sa pag ebanghelyo ni Billy Graham sa iyang krusada didto sa Moscow, nga mao ang nagpamatuud sa akong abilidad sa pagsuwat.

Balik sa krusada, ang akong asawa niingon, "Bisan si Belly Graham nagtoo nga ang Diyos mogamit sa imong abilidad sa pagsuwat, nganong dili man ka?"

Sa tinuod, nagpugong lang ko bisan sa wala pa unta ang krusada sa Moscow tungod sa

akong nangagi nga kinabuhi. Apan tungod sa tambag sa akong asawa nahatagan ko og bag-o nga determinasyon sa pagamit sa akong abilidad para sa Diyos. Mao nga akong natukod ang 'Assist News Service' (www.assistnews.net).

Ang Assist News Service usa ka press company sama sa AP og Reuter. Mokuha mi og mga hitabo sa misyon sa kalibutan, pagpanglutos sa simbahan og sa mga sama niana. Amo kining itanyag sa daghan nga mga subscriber.

Kadaghan nako makadaog sa pagkabantogan sa pigura sama sa Queen Elizabeth II og uban pa. Nagtrabaho usab ako isip komentitor para sa UPI (United Press International). Nabisi ako sa pag-interbyo sa mga tawo, apan naay usa ka mahinungdanon nga higayon. Ang akong pagkaila ni Dr. Jearock Lee, Senior Pastor sa Manmin Church.

Nagreport ko mahitungod sa krusada ni Dr. Lee

Akong nakaila si Johnny Kim, general direktor sa GCN TV sa SAT 7 (Arabic broadcaster) ang miting gihimo sa Republic of Cyprus niadtong 2001. Tungod niya nakahibalo ko sa Manmin Central Church. Sugod ato, nagsigi nako og report sa mga krusada ni Dr. Lee. Krusada didto sa Russia, Germany, Peru, U.S, og Israel. Ang iyang pagpangalagad talagsaon.

Mohimo siya sa mga krusada bisan sa nasod nga dilikado isabwag ang ebanghelyo. Sama pananglitan sa 2002 India United Crusade nga gihimo didto sa Marina Beach, Chennai India. Nianang panahona ang Tamil Nadu State nisulay sa pagpugong sa maong krusada, apan gisabwag ni Dr. Lee ang ebanghelyo sa atobangan sa 3-ka

milyon nga katawhan. Daghan ang nahimong Kristiyanos.

Sama nga si Hesus og ang mga tinun-an nagpamatuud sa Pulong sa Diyos nga anaay timailhan bisan sa grabe nga pagpanglutos, si Dr. Lee nagpamatuud ni Hesu Kristo sa walay kukahadlok og nagpakita sa timailhan og kahibulongan ngadto sa mga nasod nga nagsulay sa pagpugong sa ebanghelyo. Nagsugod pa gani ako og sukna sa pagpangalagad sa Manmin.

Ako usab nakita ang akong kaugalingon nga intirisado sa pagpangalagad sa WCDN (World Christian Doctors Network). Nakasulat usab ako sa mga esturya mahitungod sa Internatioal Christian Medical Conference, nga gipangunahan sa WCDN sa mga kanasoran. Makahuluganon kaayo ang pag presenta sa mga sagradong kaayuhan basi sa medical, pinaagi sa mga doktor nga nagagikan sa nagkalain-laing nasod. Kini makapamatuud sa pagkatinuod sa Bibliya.

Nabihag ako sa gamhanang lihok sa Manmin Central Church.

Ka pito nako maka bisita sa Manmin Central Church. Akong nabati ang espisyal nga gugma sa Senior Pastor, Dr. Lee og sa mga miyembro sa simbahan. Kini unang higayon nga ako nakakita sa simbahan nga ang senior pastor og ang mga miyembro hugot nga nahigot sa espirituhanong gugma.

Ang mga mensahe iyang gihatud nga anaay dakong gahum sa espiritu og ang kaanindot sa pasundayag sa praise and worship team nagpahinumdom nako sa kinabuhing langitnon.

Akong nasaksihan ang ebanghelyo og ang gahum sa

Diyos nga giproklama diha sa mensahe og mga pag-ampo ni Dr. Lee. Daghang mga tawo ang nag-antos sa mga sakit og problema nga naka eksperyensya sa grasya og gahum sa Diyos pinaagi sa ilang pagtoo.

Daghang katawhan ang nidawat ni Hesu Kristo pinaagi sa mga pagpangalagad sa Manmin; GCN TV (Global Christian Network), sa publikasyon, Muan Sweet Water, Handkerchief Healing Meetings, og uban pa. Ang katong nakahibalo sa mga pagpangalagad sa Manmin nihatag og taas nga pagdayeg sa simbahan. Netizens (ang aktibong partisipante sa online community sa internet), natandog kaayo sa pagpangalagad sa Manmin North Korea og sa WCDN.

Naayo ang kanser sa akong panit nga naa sa akong agtang

Sayo sa Oktobre 2011, ang kahibulongang milagro nahitabo kanako. Usa ka adlaw ang tumor sa akong agtang nitunga og nagdako. Gihiling ko nga naay kanser sa panit og gi-operahan kini. Apan dili kini kompleto

nga naayo.

Oktobre 7, nitambong ko sa ika 29 nga Anniversary Eve Performance sa Manmin Central Church. Si Dr. Lee nihatod sa mga mensahe og nag-ampo sa mga masakiton. Ako dayong gibutang ang akong kamot sa akong agtang.

Diha dayon, akong nabati ang sama sa kuryente nga niduot sa akong agtang. Nitoo ko nga naayo na og niingon sa akong kaugalingon, "Kini milagro, tinuod nga milagro!"

Balik sa U.S. akong gisulti sa doktor ang akong na eksperyensya og gihiling ko pagbalik. Sama sa akong gihunahuna wala na ang kanser. Akong gigakus ang akong asawa nga si Norma, lipay kaayo mi sa milagrong kaayuhan nga nahitabo tubag gikan sa Diyos sa mga pag-ampo ni Dr. Lee.

Ang Diyos ang pinakamaayong Mananambal. Walay duda nga ang maong milagro sa Diyos sa una mahitabo gihapon karon. Nag-antos kaba sa sakit? Ako mag-ampo sa ngalan sa Ginoo nga ang milagro sa Diyos mopakita usab diha kanimo!



Uban sa akong pinanggag asawa, si Norma

The Confession of Faith

1. Manmin Central Church believes that the Bible is God-breathed Word that is perfect and flawless.
2. Manmin Central Church believes in the unity and the work of God the Trinity: God the Holy Father, God the Holy Son, and God the Holy Spirit.
3. Manmin Central Church believes that we are forgiven of our sins only by the redeeming blood of Jesus Christ.
4. Manmin Central Church believes in the resurrection and ascension of

5. Jesus Christ, His Second Advent, the Millennium, and the eternal heaven.
5. Members of Manmin Central Church confess their faith through "The Apostles' Creed" each time they come together and believe in its content verbatim. "[God] Himself gives to all people life and breath and all things."(Acts 17:25) "And there is salvation in no one else; for there is no other name under heaven that has been given among men by which we must be saved."(Acts 4:12)

Manmin Balita

Published by Manmin Central Church

235-3 Guro-3dong, Guro-gu, Seoul, Korea (postal code 152-848)
Tel: 82-2-818-7047 Fax: 82-2-818-7048

http://www.manmin.org/english
e-mail: manminministry@hotmail.com

Publisher: Jaerock Lee
Managing Editor: Geumsun Vin

Bisayan